

LIJE'E SAN PABLO LINIĒ'EPOLA' LAPIMAYE LEFOT'LEPOĽTSI ĽAMATS' GALACIA

1 Iya' ninPablo, nin'apóstol, epaluc Jesucristo. Iya' laif'as xanuc' a'i caġaqui ilta'a laipenic'. A'i iġniya calumme'e. Maġe laipenic' lapi'ipa Jesucristo y ĽanDios caġAilli'. Iġque ĽanDios imaf'i'inapa Jesús, ipa'anapa pe lomana' limanapola'. ²Iya' jouc'a lapimaye naġmana' fa'a aġnonilhuo'. Lini'elhuo' imanc' unc'aġpimaye nolafot'lepótsi ni petsi ġamats' Galacia. Imanc' ĽanDios efot'lepolhuo'. ³Iġniya, ĽanDios caġAilli' y ġaġPoujna Jesucristo titoc'itsolhuo', tipac'e'etsolhuo' loġpicuejma'. ⁴Iġque Jesús icupoxi tima'anġe. I'najtsepa laġepa quixcay. Toġta'a lunġu'eponga'. Aimi'iya malulijyaconga' lixcay lopa'a li'a ġamats'. Iġe li'epa Jesús ma lixpice'epa ĽanDios, iġque aġAilli'.

⁵iLojauhuamlaicoya quitine timetsaiconte anDios! Amén. Toġta'a ti'ġa'.

⁶Iġe lo'ipolhuo' aġspaic'epa. Afule cacuec'e. Imanc' ma quite' tolihuejyi Lataiqui' loya'apa iġe al c'a loxpic'epa ĽanDios. Oġsingufco'me Cristo litoc'ipolhuo', ĽanDios ijoc'ipolhuo'. Itsiya toġpo'noyi

ĽanDios, aimoġejmaleyi. Tolapejyi ocuena cataiqui'. ⁷Iġe lolihuejpa itsiya tecui'inni: "Ocuena cataiqui' lonġu'eyacolhuo'". A'ij ġinca iġe lecui'impa. Iġe ituca' cataiqui'. Aimi'iya munġu'eyacolhuo'. Iġe noya'apá iġe "ocuena cataiqui'" ma le'a iġpic'a tepi'itsolhuo' quixhuejma'. Tipai'iyi Lataiqui', iġe ma Litaiqui' Cristo. ⁸Illanc' joupa lu'ipolhuo' Lataiqui'. Ja'ni lu'iconatsolhuo' ipaijma cataiqui', a'i to lijoupa lalul'ipolhuo', iya' cacua: "Lacani'etsonga' ĽanDios". Tama apaluc quema'a lu'itsolhuo' toġta'a, ma' anuli cacua: "Tecani'etsi ĽanDios". ⁹Illanc' li'ipa lu'ipolhuo' toġta'a. Itsiya camiconalhuo'. Imanc' joupa olapenufpá maġe Lataiqui'. Ja'ni cua naitsi tu'iconatsolhuo' ipaijma cataiqui': Tecaniġa' nulemma.

¹⁰Imanc', ġte coġcuayacu? ġTe cahuela' lan xanuc' limetsaicoġa' ca'ay lipenic' ĽanDios? O ġte cahuy limetsaicoġa' toġta'a ĽanDios? ġTe cahuy latenġcocoyacola' lan xanuc'? Cacua: Ja'ni cahuy tetenġcocotsola' lan xanuc', coġa' aica'eya lipenic' Cristo.

¹¹Unc'aipimaye, iŕe Lataiqui' lainuya'apa jilpe, a'i quitaiqui' lan xanuc'. Ma toŕta'a oŕsina'. Itsiya cu'iconalhuo'. ¹²Iŕe lataiqui' aicalu'ic' cal xans. Ni aicaŕmuc'inno. Maŕque Jesucristo imujpoxi, alu'ipa.

¹³Imanc' oŕcuejpá te ts'i'ic' li'ipa lai'ejma' ma cainihuequi li'ejma' laif'as xanuc' judío. Jiŕne hitiné juaiconapa cate'mila' lapimaye ŕefot'ŕepola' ÑanDios. Cacia: Tijoutsola' nulemma. ¹⁴Iya' culiquila' axpela' iŕne laif'as xanuc' judío nomana' iŕniya hitiné, xonca nihuejcopa lataiqui' laŕmuc'iponga'. Iŕne ŕinca tihuejyi to mi'eyi laŕtatahueló. Iya' xonca nihuejcopa to mi'eyi laitatahueló.

¹⁵Linca, ma capa'a licu'u cai'máma', ÑanDios aŕhuif'epa. Lijou'ma, tama a'ij'ca laif'epa, aŕpaxnepa, aŕjoc'ipa. ¹⁶ÑanDios joupa ixina' litine maŕmuc'iya te ts'i'ic' ŕi'Hua. Ti'ila' caixina' te ts'i'ic' lipicuejma' iŕque, cuya'atsi Litaiqui' pe lomana' lan xanuc' a'ij' judío. Ixhuaitsi iŕe litine, aŕmuc'ipa ŕi'Hua. Lijoupa aicaipalaic'ola' lan xanuc'. A'ij' naitsi cainicuis'epa. Joupa aixina' laif'eya. ¹⁷Aicai'huac' liŕya' Jerusalén pe lomana' lapimaye, iŕne ate'a i'ipola' apóstole. Ai'huapa ŕamats' Arabia. Lijou'ma aipainanni, aicuaiyoconsi liŕya' Damasco.

¹⁸Lixhuaitsi afane' camats' aif'aj'ma liŕya' Jerusalén, cahuejnta Pedro. Aixintsi. Imbamaj maque' quitine aŕmajntsa anuli. ¹⁹Locuenaye lan apóstole aicaixim'mola'. Aiximpa ma le'a Jacobo, iŕque ŕipima laŕPoujna. ²⁰Iŕe lainini'epolhuo' ma' al ŕinca. Aicafellaique. Toŕta'a ixina' ÑanDios.

²¹Lijou'ma ai'hua'ma ŕamats' Siria, jouc'a ŕamats' Cilicia. ²²Jilpe ŕamats' Judea lapimaye ŕefot'ŕepola' ÑanDios, iŕne lepenufpola' Cristo, aicalimetsaijma. ²³Ma le'a icuej'me aŕnescopa iya'. Tuya'anni: "Iŕque Pablo li'ipa lihuetsouquina', aŕte'minga', ipic'a tejacl'a' nulemma Lataiqui', iŕe lataiqui' loya'apa: Toŕhuaiyjnle Jesucristo. Itsiya maŕque Pablo tuya'e' Lataiqui'."

²⁴Iŕne li'nujuaitsa la'ipa iya', ix'najtsi'i'me ÑanDios. Iximpá acueca' lo'epa iŕque.

2 Lixhuaitsi imbamaj malpu' camats' aitsehuona'ma Jerusalén. Aŕepá iya', Bernabé y Tito, iŕque aŕtoc'iponga'. ²Nij naitsi xans naŕcuxe'epa. Ma ÑanDios aŕmpa: "To'huaŕa'". Toŕta'a aitsecohuona'ma. Jiŕpiya Jerusalén aixinhuo'mola' lapimaye naimetsaicompola' xonca lan tsila'. Nu'i'mola' te ts'i'ic' Lataiqui' laifnuya'apa pe lomana' lan xanuc' a'ij' judío, iŕne pe aimimetsaicoyi ÑanDios. Cacia: Lan tsila' lapimaye limetsaicoŕa' iya', jouc'a timetsaicoŕe laifnuya'apa. Ja'ni a'i locuenaye lapimaye aga tixim'me to ninaitsi cataiqui' iŕe laifnuya'apa, tetets'i'me. Tijouŕa' aimipammaiya laipenic'.

³⁻⁴Linca jilpe Jerusalén imajm'me hualca pe no'e'epoŕtsi capimaye. Iŕne itsuflaipá a-ch'ix'ca. Ma le'a tehueyi te co'ya mixinyacu te ts'i'ic' la'ejma'. Illanc' joupa aŕsinyoŕtsi luhuaŕquem'monga'. Aimaŕcuxeconayacongá' lataiqui' loya'apa: "Toŕ'etsoŕtsi circuncidar, tijouŕa' tepenuf'molhuo' ÑanDios". Iŕne pe nalahue'ecoponga', iŕpic'a aŕcuxe'etsonga' lihuejconate iŕe

lataiqui'. Hpic'a ti'ete circuncidar
łajejmale Tito, itque agriego. Illanc'
ałcuayi: "A'i. Tołe tipanenni."

⁵Aicalapenufela' liłtaiqui'.

Aicalihuejcola' ihniya ni tołta'a. ⁶Lan
tsila' lapimaye nomana' Jerusalén
ailopa'a całmipa. (Linca, tama atsila'
xanuc' aicaixina' caxpaiqui'. ŁanDios
ałsinninga' ma' anuli.) Cacia: Ihniya
lan tsila' lapimaye nij tintsi całmic'.

⁷Limetsaicopa. Ixim'me ma ŁanDios
alapi'ipa laipenic', ma to lepi'ipa
Pedro lipenic'. Iya' pe lomana' lan
xanuc' a'ij judío cuya'e' Lataiqui'
loya'apa ite al c'a lixpice'pa ŁanDios.
Cu'ila' lan xanuc' pe aiqui'eyołtsi
circuncidar. Pedro tu'ila' lałf'as
judío, itne petsi joup'a i'epołtsi
circuncidar. ⁸ŁanDios epi'ipa Pedro
limane, ummepa tu'itsola' lan xanuc'
judío. Jouc'a alapi'ipa iya' laimane,
lummepa cu'itsola' lan xanuc' pe a'ij
judío. Tołta'a ma' anuli ninc'apóstole.

⁹Jacobo, Pedro y Juan ixim'me
tołta'a lałpaxnepa ŁanDios, ałsimpa
nin'apóstol, ałnot'le'eponga' al c'a
całmane iya' y Bernabé. Itne lam
fantsi ti'onłcospola' to himule' caitał,
acueca' titoc'innila' lapimaye, itne
lefoł'łepola' ŁanDios jilpe liłya'
Jerusalén. Małniya ałmiponga':
"Ne', imanc' tolu'yaleta pe lomana'
lan xanuc' a'ij judío. Illanc'
lu'i'mola' lałf'as xanuc' judío, itne
joup'a i'epołtsi circuncidar." ¹⁰Ma
le'a ałmiponga', ałsc'ai'iponga':
"Tołnujuaitsola' lan cuanuc'la, itne
pe ailopa'a qui'hueca". Iya' linca
ma tołta'a lai'ejma'. Tixoqui neta
catoc'ila' ihniya.

¹¹Lijou'ma, małmana' liłya'
Antioquía Pedro itsehuo'ma jilpe.
Ihniya hitiné iya' aitale'ma Pedro.

Nu'i'ma lijunac'. Linca tipa'a lijunac'.
¹²Ma' a'i miłmana' lił'as xanuc' judío,
itne lommeyacola' Jacobo, Pedro
titetsoyi anuli lapimaye pe a'ij
judío. Licuaitsa lummepola' Jacobo,
Pedro enaj'moxi pe lapimaye a'ij
judío. Aits'itetsocona'me. Ticua:
"Itne lan judío ticuayi: Aimi'iya
małtetsoyacu anuli pe aiqui'eyołtsi
circuncidar. ¿Te ałpalaico'ma iya'
ja'ni ałtetsołe anuli?" ¹³Pedro ixina'
te ts'i'ic' Lataiqui' loya'apa ite al c'a
lixpice'pa ŁanDios. Ma le'a i'epoxi
to aiquixina'. Ma' anuli i'epołtsi
locuenaye capimaye judío nomana'
jilpe. Bernabé jouc'a. Liximpola'
lił'ejma' icupoxi tilecołe, ihuejpol'a
ihniya.

¹⁴Iya' aiximpola' aimihuejyi
al hijca Lataiqui' loya'apa ite al
c'a lixpice'pa ŁanDios. A'i tołta'a
Lataiqui'. Petsi lalafot'łeyopołtsi
aipalaic'opa Pedro, cami: "Ima'
tama unjudío aimaihuequi lił'ejma'
loł'as judío, xonca taihuequi to
lapimaye a'i judío. Itsiya, ¿te
cofcuxe'ecopola' itne pe a'ij judío?
¿Te comuc'ico'mola' tihuejle lił'ejma'
lun judío?"

¹⁵Illanc' ninc'ijudío tołe
lałmajnlita. Linca aicalihuequi
al xujc'a to itne pe a'ij judío. Itne
pe aimimetsaicoyi ŁanDios
aimihuejyi locuxepa. ¹⁶Illanc'
tama lihuejyi locuxepa ŁanDios,
ite linitijmpa Moisés, ałsina' a'i
tołta'a malapenufyaconga' ŁanDios.
Lapenuftonga' ja'ni ałhuaiyijnle
Jesucristo. Tołiya illanc', tama
ninc'ijudío, jouc'a ałhuaiyijmpá
Jesucristo. Itsiya ałsina' ŁanDios
lapenufinga', ałsinninga' to ailopa'a
całjunac'. Aimałnesconayacu: Iya'

quihuequi locuxepa ÆanDios, tijoula' ałsim'ma to ailopa'a caijunac'. Ai. Tama lihuejyi locuxepa, ÆanDios aimaksinyacu tołta'a, ni illanc' ni locuenaye lan xanuc'.

¹⁷Ma'huaiyijnyi Jesucristo limetsaicoyołtsi ma' anuli to iłniya petsi aimihuejyi locuxepa ÆanDios. Limetsaicoyołtsi a'ijc'a lałpicuejma'. Tijoula', ¿te całnesyacu? ¿Te Cristo ałmints'eponga' tołta'a lałpicuejma'? Ai. Aimi'iya małnesyacu iłta'a. Li'ipa joupa a'ijc'a lałpicuejma', ma' aicałsina'. ¹⁸Iya' joupa aiximpa aimi'iya calanc'eyacoxi laipicuejma'. Aimi'iya canesconaya: Canant'hi'ma liniłpa Moisés, tijoula' ÆanDios ałsim'ma to ailopa'a caijunac', lapenufta. Itsiya ja'ni capi'ixoxi laipicuejma', ja'ni capangocona'ma quihuejcona'ma to li'ipa, ma le'a camuj'moxi aicainenant'hi iłe liniłpa Moisés. ¹⁹Li'ipa coła' canant'hi'ma jahuay lataiqui' liniłpa Moisés. Lijou'ma aiximpa aimi'iya canant'hiya. Małe lataiqui' lacani'epa, ałma'apa. Itsiya ĩnca aimaf'i', ÆanDios lapi'ipa al t's'e laipitine. ²⁰Caxinyoxi joupa lapalłts'ingimpa lancruz. Iya' y Cristo lapalłts'ingimponga' jilpe. Lafnuyaicopa a'i to li'ipa. Itsiya tipa'a al t's'e laipitine iłe lipitine Cristo. Ca'huaiyinge hi'Hua ÆanDios. Iłque ał'nujuaispa, icupoxi tima'anłe, i'najłsepa laijunac'. ²¹ÆanDios joupa ałpaxnepa tołta'a. Aicatets'iya iłe al t's'e laipitine lalapi'ipa. Aicapo'noya anuli liju'. Ja'ni coła' ti'i'ma lanant'hi'me nulemma liniłpa Moisés, ja'ni coła' tołta'a ti'i'ma ac'a lałpicuejma', ¿te quicucopoxi Cristo? Coła' aiquicu'moxi."

3 Imanc' unc'aipimaye nołmana' łamats' Galacia, ¿te qui'ipolhuo'? Ton'łeyi to ailopa'a cołpicuejma'. Lu'ıłta', ¿naitsi nimints'epolhuo' lołpicuejma'? ¿Naitsi lifel'mipolhuo'? Iłniya ĩtiné lołquim'epa Lataiqui', mu'innilhuo' li'ipa Cristo, tocomma to imanc' ołsimpá iłque lepałts'ingimpa jilpe lancruz. ²Quicuis'e'molhuo' ma le'a anuli lataiqui', lu'ıłta': Litine lolapenufpa cal Espıritu Santo, ¿te ts'i'ic' con'epa molapenuf'me cal Espıritu Santo? ¿Te ja'ni o'łhuaiyijmpá Lataiqui', iłe lu'impolhuo'? O ¿te olihuejpa locuxepa Moisés? ³Lołpangopa lolihuejpa o'łhuaiyijmpá cal Espıritu. Itsiya, ¿te co'łhuaiyijncopołtsi cołtuca' lon'łepa? ¿Te cołnescopa: "Tołta'a ti'i'ma ixhueya lałpicuejma', lapenuftonga' ÆanDios"? ¿Te qui'icopolhuo' ma tołta'a to lamac'ta?

⁴Imanc' lolapenufpa Lataiqui' acueca' ołtełcopá. Itsiya, ¿te quipenic' iłta'a li'ipolhuo'? Ja'ni tolihuej'me ocuena cataiqui', coła' aicołtełco'me tołta'a. ⁵ÆanDios lepi'ipolhuo' hi'Espıritu o i'epa al cueca' pe lołmana', ¿te con'epa imanc'? ¿Te tonlihuejcoyi locuxepa Moisés? O ¿to'łhuaiyijnyi Lataiqui' lu'impolhuo'? ⁶Ĩnca o'łhuaiyijm'me Lataiqui' lu'impolhuo'. Toł'nujuaitsa li'ipa Abraham. "Iłque i'huaiyijmpa ÆanDios limipa. Tołta'a ÆanDios iximpa ac'a xans, to ailopa'a quijunac'."

⁷Tołta'a ołsina' naitsi iłne limetsaicopola' ÆanDios to ixanuc' Abraham, naitsi iłne lepenufpola'. Imetsaicopola' ma le'a iłniya

lo'huaiyijmpa to li'huaiyijmpa Abraham. ⁸ŁanDios joupa ixina' lo'ya. Ixina' tepenuf'mola' lan xanuc' a'ij judío. Tepenuf'mola' iħne lan xanuc' no'huaiyijmpá. Tixim'mola' to ailopa'a quijunac'. Toħiya ma mehue'e' mi'ya toħta'a, ŁanDios u'ipa Abraham iħe al c'a lo'ya. Jiħpe al Paxi Liniħingiya tuya'e' limipa Abraham. Timi:

Lan xanuc' nomana' jahuay
lan nación, ja'ni li'ejma'
ti'onħospa to lo'ejma' ima',
caxim'mola' to loxanuc',
capaxne'mola' jouc'a.

⁹Toħiya aħsinyi naitsi iħne nopaxneyacola' ŁanDios to lipaxnepa Abraham. Abraham i'huaiyijmpa limipa ŁanDios, ipaxnepa. Jouc'a iħniya no'huaiyijmpá tipaxne'mola' toħta'a.

¹⁰Ituca' lo'iyacola' iħne petsi nonespá: “Quihuejma lataiqui' locuxepa Moisés, toħiya ŁanDios aħsim'ma ninc'a xans, lapenuf'ma”. Iħniya joupa ejac'pola'. Toħta'a tuya'e' al Paxi Liniħingiya ticua:

Ticuicomma tihuejcole jahuay
lataiqui' liniħpa jiħpe lije'e
Moisés,
ni anuli aimehue'e'ma
tenant'ħiħe.
Naitsi iħque aimi'ay toħta'a,
tecani'em'me.

¹¹Acuajmaica aħsinyi, tama lihuejcoyi locuxepa Moisés, a'i toħta'a ŁanDios maħsinyacongá' to ailopa'a caħjunac'. Toħiya tuya'e' al Paxi Liniħingiya, ticua:

Cal xans no'huaiyijmpa tulijta
lipitine,
ŁanDios iximpa to ailopa'a
quijunac', tepenufi.

¹²Litaiqui' locuxepa Moisés aimuya'e': “Cal xans no'huaiyijmpa tulijta lipitine”. Xonca ticua: “Iħne no'epá locuxe'epola', iħniya ĩnca tulijta liħpitine”. ¹³Iħe laħcuxe'e'ponga' aicalanant'ħi. Toħta'a lulijpá lalacani'eyacongá'. ĩnca aimalacani'eyacongá'. Cristo i'najtsepa laħjunac'. Maħque Cristo ecani'empa litine lepaxħs'ingimpá lancruz. Toħta'a loya'apa al Paxi Liniħingiya, ticua: “Cal xans ĩjunginyacu anuli al 'ec, tecani'em'me”.

¹⁴Cristo epi'impá laħjunac', ecani'empa. Toħta'a jahuay illanc', ja'ni ninc'ijudío o ja'ni a'i, ti'i'ma lapenuf'me laħpaxneconyacongá'. Iħe linescopa ŁanDios mipalaic'o Abraham. Jouc'a jahuay ma' anuli petsi naħ'huaiyijmpá lapi'inga' cal Espĩritu Santo. Toħta'a joupa icupa cataiqui' lapi'itsonga'.

¹⁵Cunc'aipimaye, itsiya ca'onħico'mola' lan xanuc' li'ejma'. Iħne ja'ni joupa icupá cataiqui', tama ma le'a axanuc', iħe lataiqui' tihuejco'me, tenant'ħi'me. Aimi'iya mipo'noyacu iju'. Aimi'iya metonc'iyacu ocuena cataiqui'. ¹⁶ŁanDios mipalaic'o Abraham icupa cataiqui'. Iħe lataiqui' tepenuf'me iħque Abraham y ĩhuenħe ĩocuaicoya. Al Paxi Liniħingiya aiminescola' axpela' lihuenħila'. Tinescojma ma le'a anuli. Mipalaic'o Abraham timi: “Ima' ĩhuenħuo'...”, jiħpe tipalaijma Cristo. ¹⁷ĩnca, lixhuaitsi amalpuj maxnu nuxans quimbama' camats' quipalaic'o Abraham, ŁanDios u'i'ma Moisés litaiqui' locuxepa. Iya' cacua: Tama toħta'a li'ipa, lataiqui'

liniŋpa Moisés aimi'iya mulijya locuena lataiqui'. Iŋe litaiqui' ÆanDios licupa, limipa Abraham, lataiqui' lepi'ipa Abraham aimipaiya. ¹⁸Linca, ja'ni aŋesle: “Lanant'hi'me locuxepa Moisés, tijouŋa' ÆanDios lapi'itonga' ca'huexi”, iŋe laŋesyacu ocuena cataiqui', a'i litaiqui' licupa ÆanDios, iŋe limipa Abraham. ÆanDios mipalaic'o Abraham aiquimic': “Tanant'hiŋa' laifcuxe'epo', tijouŋa' capi'i'mo' co'huexi”. Ticua: “Joupa aicupa cataiqui', capi'i'mo' co'huexi”.

¹⁹Tijouŋa', ÆanDios ja'ni joupa toŋta'a icupa cataiqui', epi'ipa Abraham, ¿te comicopa Moisés locuxepa? ÆanDios ipic'a ti'hiŋa' quiŋsina' lan xanuc' te ts'i'ic' lo'epa, ja'ni tetenŋcocojma ÆanDios o aimentenŋma. Toŋiya ipalaic'oconapa Moisés, u'ipa ocuena cataiqui', iŋe locuxe'epola' lan xanuc'. U'ipola' te lo'eyacu. Mi'huaicoyi ticuaiyunni hiŋuente, maŋque Cristo, ma iŋe lataiqui' tihuejco'me.

Maŋe lataiqui' locuxepa ÆanDios lapaluc' quema'a uya'apá. Moisés u'icona'mola' lan xanuc'. Fa'a li'a lamats' Moisés i'e'ma canic' to epaluc. Epenuf'ma litaiqui' ÆanDios, u'icona'mola' lan xanuc'. ²⁰A'i toŋta'a li'epa ÆanDios litine licupa cataiqui' lepi'ipa Abraham. Jiŋpe litine aicummaic' quepaluc. Maŋque ÆanDios, iŋque quituca', icupa cataiqui', epi'ipa Abraham.

²¹Itsiya, ¿te caŋesyacu? Lataiqui' locuxepa ÆanDios jouc'a lataiqui' licupa, iŋe lepi'ipa Abraham, ¿te ja'ni tifuli'iyotŋsi jiŋna'a lataiqui'? iAimaŋes'me toŋta'a! Lataiqui' locuxepa ÆanDios aimi'iya

mepi'iyacola' lan xanuc' liŋpitine aimijouya. Ja'ni coŋa' tihuejconŋe jahuary locuxepa ÆanDios, iŋque tixim'mola' to ailopa'a quiŋjunac', tepenufna'mola'. Aimi'iya mihuejyacu toŋta'a. ²²Toŋiya al Paxi Liniŋgiya tuya'e' jahuary anuli i'epá a'ijc'a. Tocomma itats'ila', i'huaijma tecanitsola' nulemma. Aimi'iya munŋueyacoŋsi. Toŋta'a ma le'a pe no'huaiyijmpá Jesucristo tepi'im'mola' qui'huexi, ma to loya'apa lataiqui' licupa ÆanDios.

²³A'i'a ticuaihuo Jesucristo fa'a li'a lamats', iŋe litaiqui' ÆanDios locuxepa Moisés ti'hua aŋcuxeconga'. Tocomma aŋtats'eninga'. A'huaiocopá ÆanDios aŋmuc'itsonga' naitŋi iŋque Ca'huaiyijnyacu. ²⁴Itsiya aŋsina' te ts'i'ic' lipenic' lataiqui' locuxepa Moisés. Iŋe lataiqui' ti'onŋcospa to no'epola' cuenna la'uhuary. Ticuxela' al c'a. Li'ipa, toŋta'a laŋcuxeponga' litaiqui' ÆanDios locuxepa. Aŋeponga' cuenna ma ca'huaijma ticuaiyunni Cristo, a'huaiyijnle, aŋsintsonga' ÆanDios to ailopa'a caŋjunac', lapenuftsonga'. Ticuaitsi iŋque a'huaiyijnle. ²⁵Itsiya linca a'huaiyijmpá Jesucristo. Ailopa'a cocuena na'eponga' cuenna. Aimaŋonŋcosponga' to la'uhuary. ²⁶Petsi na'huaiyijmpá Jesucristo illanc' inaxque' ca'Ailli' ÆanDios joupa aŋtsilojponga'.

²⁷Jahuary imanac' petsi joupa epo'icompolhuo', ma' i'ipolhuo' anuli Cristo. Jiŋpe litine, iŋe lafane loŋpijahua' oŋpo'nonapá anuli liju', oŋtatscocopá Cristo. ²⁸Toŋiya aimolatets'i'moŋtsi. Aimoŋes'me: “Iya' ninjudío, ima' ungriego”. Ni moŋes'me: “Iya' ninmozo, ima'

mapoujna”. Ni: “Iya' ninxans, ima' ma le'a maca'no”. Tołta'a aimi'ya. Joupa i'ipolhuo' anuli. Epenufpolhuo' iłque Cristo.

²⁹Ja'ni Cristo epenufpolhuo' imanc' inaxque' Abraham. Tepi'im'molhuo' coł'huexi. Tołta'a linescopa lataiqui' licupa ŁanDios, iłe limipa Abraham.

4 Iya' cacua: Łahuac'hua ai'a titoj'ma aimepi'inyacu hi'huexi. Tama ticuxe'ma jahuay li'hueca qui'ailli', łahuac'hua ai'a titoj'ma ti'onłcospa to łajmozo. ²Timana' no'epá cuenna łahuac'hua. Iłne ticuxe'me łahuac'hua, jouc'a ticuxe'me hi'huexi. Tołta'a loyaicoya ma mi'huaijma ticuaiyunki litine tepi'im'me quimane ticuxeł'a, tepenuf'ma hi'huexi. Qui'ailli' joupa ixpic'epa te quitine mi'ya tołta'a.

³Ma' anuli tołta'a li'ipola' lan xanuc' ai'a ticuaihuo Cristo fa'a li'a łamats'. Ai'a ticuaihuo Cristo ŁanDios ałsimpoga' to la'uhuy. Ałcuxenga', ałsc'ai'inga': “To'etsi iłta'a”, o “To'eł'a iłiya”. Lanant'hiyi ma to mi'enni fa'a li'a łamats'.

⁴Liximpa ŁanDios ixhuaita al 'hora, ummepa hi'Hua, ticuaiyunki fa'a li'a łamats'. Ma to mimajnlita la'uhuy tołta'a lipajnta iłque. Anuli łaca'no' nipo'nopa. Ipajnta ajudío. Li'ailli' thuejcoyi locuxepa ŁanDios, iłque jouc'a. ⁵Tołta'a li'ipa ti'najcuftola' liłjunac' jahuay lan xanuc' naihuejpá locuxepa ŁanDios. Tijouł'a ŁanDios ti'ima limetsaico'monga' inaxque', lapi'i'monga' cał'huexi.

⁶Imanc' ma' anuli imetsaicopolhuo' inaxque'. Tołiya jilpe łolunxajma' tipa'a cal Espíritu

Santo, iłque hi'Espíritu hi'Hua ŁanDios. Tołta'a ałmiyi: “Ima' mai'Ailli'”. ⁷Ja'ni joupa omepenufpa cal Espíritu, ima' ai' cum-mozo. Ima' i'hua CanDios. Ja'ni ima' i'hua tipa'a ło'huexi łapi'iyaco'. Tołta'a lixpicepa, lo'epa ŁanDios.

⁸Li'ipa aimolimetsaicoyi ŁanDios. Imanc' tolıhuejyi iłne landiosla'.

Toluyalaicoyi to iłmozó iłniya. Iłne tama tecui'innila' “andiosla'”, ailopa'a quiłpitine. ⁹Itsiya tolimetsaicoyi ŁanDios. Xonca cacua: ŁanDios timetsaicolhuo' imanc'. Itsiya, łte cołpai'icopa lołpicuejma'? łTe cołeconapołtsi to lam mozó? łTe cołłecopoltsi lataiqui' locuxepolhuo'? łTe colanantłcopa to mi'enni fa'a li'a łamats'? Jiłpe ailopa'a cotoc'iyacolhuo'. Joupa ołsina' pe copa'a al C'a Cane. ¹⁰Tonłeyi ocuena cane. Tolimetsaicoyi łitiné, lam mut'łá, cal juicoł jouc'a łamats'. Ton'eyi cuenna iłna'a, tolanant'hiyi. ¹¹Iya' caxhuełma. Acueca' canic' ai'epa pe lołmana'. Itsiya cacua: Aga ailopa'a quipammaic'.

¹²⁻¹³Unc'aipimaye, caxa'huelhuo', camilhuo': Imanc' tołe'etsoltsi to iya'. Iya' joupa aipai'ipa lai'ejma'. Itsiya aicainihuequi lił'ejma' lan xanuc' judío. Xonca quihuequi loł'ejma' imanc'. Imanc' ailopa'a cał'e'epa. Joupa ołsina' lał'ipa jilpe pe lołmana'. Iłe al te'a laitsehuo'ma laicuita jilpe iya' laxtafpa. Toliya aipanemma, nu'i'molhuo' Lataiqui'. ¹⁴Łınca iłniya łitiné ŁanDios ehuaipolhuo'. Tama laxtafpa aicalatets'i. Aical'aic' laic'. Ac'a juaiconapa alapenufpa, tocomma napaluc

quema'a alummepe Ñandios.

Tołta'a tolapenuf' me Jesucristo.

¹⁵Itsiya, ¿te qui'ipolhuo'? Hniya hitiné tixoqui cunlata alapenuf' ma. Iya' ti'hua ca'nujuaitsilhuo' imanc' lo'ejma'. Juaiconapa ałsimpa cuanuc'. Tocomma tołcuayi:

“Cołá' lipa'a'mola' la'u', lapi'i'me Pablo”. ¹⁶Itsiya joupa ołpai'ipołtsi lołpicuejma'. Ał'e'e laic'. Ma le'a nu'ipolhuo' al hınca, lijoupa ał'epa laic'.

¹⁷Ñınca timana' jilpe nehuepá cołá' tonłejmalete anuli. Iñe a'ijc'a liłpicuejma'. Ma le'a iłpic'a tenajtsolhuo'. ¹⁸Iłpic'a tolihuejtsola' ma iñniya. Ñınca ja'ni al c'a timuc'i'molhuo', iya' cacua: Ne', tolihuejtsola'. Cacua: Cołá' timuc'itsolhuo' al c'a. Ti'hua timuc'iconatsolhuo' tołta'a. Cołá' a'i ma le'a capa'a iya'.

¹⁹Unc'ainaxque', acueca' aitelco'ma jilpe pe lołmana'. Ma catełma cacua: “Tepenufle iñe al ts'e liłpitine”. Ma tołta'a li'ipolhuo'. Itsiya catełcoojma. Caxhuelma, cacua: “Iñe laipimaye lun Galacia joupa epenufpá Cristo. Itsiya tocomma a'ij hınca iñe li'ipola'. Cołá' ałmuc'iconłá' acuajmaica iñe ałınca epenufpá iłque Cristo. Tijoułá' aicaxhuelcoconaya tołta'a.”

²⁰Cacua: Cołá' jilpe caifpa'a. Cołá' capalaic'ocona'molhuo' ituca', a'i to itsiya. Itsiya hınca caxhuelma. Aimi'iya caxingufyacolhuo' lołpicuejma'.

²¹Imanc' nołnespá: “Ałcuxetsonga' lataiqui' liniłpa Moisés. Ałpic'a.” Iya' quicuis'e'molhuo' imanc': ¿Te cołcueca iñe lataiqui'? ¿Te ołsina' loya'apa? Tocomma aicołsina'. ²²Iñe

liniłpa Moisés tinescojma li'ipa Abraham. Timana' oquexi' linaxque'. Anuli iñe qui'máma' acriada. Tipa'a hipoujna caca'no'. Aimicuxeyoxi quituca'. Locuena li'hua qui'máma' apoujna, iłque ipeno Abraham.

²³Łapoujna caca'no' ma le'a Ñandios ixpic'epa titai'ma. Iłque joupa icupa cataiqui' ti'ila' tołta'a. Locuena, iłque hiciada, Ñandios aiquicuc' cataiqui'. Ma le'a itaipa.

²⁴Iñe loquexi' laca'no' ti'onłcospola' to iñna'a loquej cataiqui' Ñandios lipo'no'ipola' lixanuc'. Agar, iłque cal criada, ti'onłcospa to anuli iñna'a łataiquí. Ti'onłcospa to lataiqui' Ñandios lipo'no'ipola' lixanuc', mimana' iñe jilpe lijuala Sinaí. Iñe lataiqui' liniłpa Moisés. Iłque Agar tocomma to qui'máma' iñe petsi naihuejpá iñe lataiqui'. Iñe aimi'hua liłmane. Aimi'iya micuxeyacołtsi quiłtuca'. Mane ti'onłcospola' to lam mozó. ²⁵Iñe lijuala Sinaí jilpe łamats' Arabia tecui'inni “Agar”. Agar y Jerusalén, ma to mipa'a itsiya fa'a li'a łamats', ti'onłhiyołtsi. Jilpe Jerusalén ts'iłpenic' aimixpic'eyi quiłtuca' lo'eyacu. Lataiqui' liniłpa Moisés tocomma to quiłpoujna. Iñe lataiqui' ticuxela' jouca' liłxanuc'. ²⁶Liłya' Jerusalén lopa'a lema'a ituca' lo'ipa. Jilpe aimicuxe tołta'a lataiqui' liniłpa Moisés. Iñe hınca ałpiłya'. Tocomma to cał'máma', illanc' inaxque'.

²⁷Joupa i'ipa ma to loya'apa Liniłgingiya lonescopa liłya' Jerusalén lopa'a lema'a. Tuya'e': Ima' mijuiqui' caca'no', ailopa'a co'hua, itixojla' cometa! Ima' tama aicoxina' te ts'i'ic' mipajnta łahuac'hua, itonac'la' acueca'!

Ima' tama toxinyoxi etets'impo',
joupa eca'nicompo', ti'ima
conaxque' xonca axpela'.

Tofta'a tolijna'ma itque
tejonhiyoftsi lope'ailli'.

²⁸Unc'aipimaye, imanc'

ti'onfocopolhuo' to hi'hua Sara, itque
Isaac. Licupa cataiqui' EanDios,
itque ipajnta. Lataiqui' licupa
EanDios jouc'a inescopolhuo' imanc'.
Toftiya i'ipolhuo' inaxque' Abraham.
Itque o'tailli'.

²⁹Loquexi' linaxque' Abraham
aimiyejmaleyi. Anuli itniya, cal
Espíritu Santo itoc'ipola' qui'ailli'
qui'máma'. Tofta'a itaipa qui'máma',
ipajnta qui'hua. Locuena a'i. Ma
le'a ipajnta axans. Itque i'epa laic'
tipima, ihuetsojma. Itsiya tofta'a
lo'ipola' itniya pe cal Espíritu Santo
epi'ipola' al t'se liipitine. Li'f'as
xanuc', itne pe ailopa'a tofta'a
liipitine, ti'eyi laic'. ³⁰¿Te co'iya?
¿Te cocuapa al Paxi Liniñingiya?
Ticua:

Taipa'atsola' tocriada jouc'a
hi'hua, aimapi'iyacola' to'hueca.
Lo'hueca tapi'i'ma locuena
to'hua, itque hi'hua lapoujna.

³¹Unc'aipimaye, itta'a lataiqui'
añescoponga' illanc'. Illanc' a'i
quinaxque' itque cal criada. Añmana'
inaxque' lapoujna caca'no'.

5 Linca, Cristo joupa
luhuañaponga', ipic'a
luyalaico'te tofta'a. Toftiya totpo'no'te
lo'picuejma'. Aimof'i'econa'mo'tsi
litaiqui' locuxepa Moisés.

²Alcuec'ela'. Iya' ninPablo
camilhuo': Ja'ni ti'e'em'molhuo'
circuncidar, ja'ni tolcuayi:
“Tofta'a lapenuf'monga' EanDios”,
tocomma to aimof'huaiyijnyi

Cristo. Itque aimitoc'iconayacolhuo'.

³Camicona'molhuo': Itne petsi
no'empola' circuncidar, anuli anuli
itniya ticuxe'ennila' tenant'ite
jahuay locuxepa Moisés.

⁴Imanc' noñnespá: “A'te'me
locuxepa Moisés, tofta'a
lapenuftonga' EanDios, añsim'monga'
to ailopa'a cañjunac'”, imanc'
joupa olanajpo'tsi Cristo. Joupa
olatets'ipá EanDios litoc'ipolhuo',
lipaxnepolhuo'. Olatec'e'epo'tsi.

⁵Illanc' a'i tofta'a lañnespa. Joupa
a'huaiyijmpá Jesucristo, cal
Espíritu Santo añtoc'inga'. Tofta'a
tixoqui calata a'huaicoyi EanDios
añsintsonga' to ailopa'a cañjunac',
lapenuftonga'. ⁶Ja'ni joupa
lapenufponga' Cristo ticuicomma
añmujtso'tsi a'huaiyijnyi,
añetso'tsi capic'a. Ja'ni añemponga'
circuncidar, o aica'f'enninga'
circuncidar, ailopa'a co'eya.

⁷Li'ipa olihuejpá al c'a. Itsiya, ¿te
qui'ipolhuo'? Aimolihuejconna
al Linca Cataiqui'. ¿Naitsi
nipa'nepolhuo'? ⁸Itte lataiqui'
lomuc'impolhuo' a'i quitaiqui'
EanDios, itque Nijoc'ipolhuo'.
⁹Tipa'a lataiqui' loya'apa:
“Tohuants'itla' tuca'a ticuxqui cax'e,
tijoula' tumfumma jahuay lax'e
tolanc'enyacu lai'”. Al linca ite
lataiqui'.

¹⁰Iya' ca'huaiyinge ta'Poujna
tepi'itsolhuo' lo'picuejma'
alcuec'ela' ite laifmipolhuo'. Itque
nopa'nepolhuo', ni cua naitsi no'epa,
tepi'im'me lijunac', tite'l'mim'me.

¹¹Ticuanni: “Pablo tu'ila' lan
xanuc' ti'entsola' circuncidar. Ticua
tofta'a EanDios tepenuf'mola'.”
Aicainuya'e' tofta'a. Ja'ni tofta'a

laifnespa aimalihuetsojya. Tama cuya'e: "Toł'huaiyijnle Cristo, iłque łepałts'ingimpa jilpe lancruz", jouc'a coła' cuya'ala: "Toł'etsoltsi circuncidar", ailopa'a ca'lenya. Aimalixtuc'onya. ¹²Iya' cacua: Lan xanuc' nateł'epolhuo' lołpicuejma', iłne quiltuca' titec'e'etsoltsi, ti'etsoltsi capú.

¹³Unc'aipimaye imanc' nijoc'ipolhuo' ŁanDios, iłque joupa uhuał'epolhuo'. Aimolihuejconayacu lił'ejma' locuenaye lan xanuc'. Linca, aimołnesyacu: "Joupa luhuałquenamma, ca'e'ma to ts'aipic'a". Xonca tołsintsołtsi to unc'imozó. Tołta'a toł'etsoltsi capic'a, tołnujUaitsołtsi. ¹⁴Tipa'a lataiqui' loya'apa:

Ima' to'eyoxi capic'a,
ma tołta'a to'eł'a' capic'a toł'as
xans, naitsi tołtalecufya.
Petsi naihuejcopá iłe lataiqui',
iłniya linca tenant'iyi jahuay
locuxepa ŁanDios. ¹⁵Tołpo'nołe
cuenna. Ja'ni ti'hua tołfuli'iyoltsi,
ja'ni ti'hua tołscai'eyoltsi, ma le'a
tolajac'e'mołtsi nulemma.

¹⁶Iya' cacua: Tolapi'ile lane ticuxetsołhuo' cal Espíritu Santo. Tołta'a aimolihuejyacu lołjanajpa cołtuca' lołcuervo. ¹⁷Ile lałjanajpa całtuca' aimi'onłspa to lołjanajpa cal Espíritu Santo. Ituca' ituca' iłna'a, tocomma tifuli'iyoltsi. Tołta'a aimi'iya monł'eyacu lołspic'eyacu. ¹⁸Jouc'a cacua: Ja'ni cal Espíritu Santo ti'huaj'me'elhuo' aimi'onłcospolhuo' to iłne pe ma le'a naihuejcopá locuxepa Moisés. Iłe lataiqui' aimi'iya micuxecoyacolhuo'.

¹⁹Petsi naihuejcopá quiltuca' lołjanajpa, iłne acuajmaica

timujyołtsi lo'epa. Fa'a cu'ilhuo' te ts'i'ic' iłne lo'epa:

Iłne tehueyi quilecał'no', jouc'a lacał'no' tehueyi quiltxanuc'. Ti'eyi al xuj'a, ti'eyi nixpiya, ²⁰Tihuejcoyi landiosla', tilotsocoyołtsi, ti'eyołtsi laic', tifuli'iyi cataiqui', acueca' tijanajyi lixcay, tijaic'oyołtsi lixtulepa, tehueyi quiltuca' ts'iłpic'a, aimi'eyi anuli liłpicuejma', tenajyołtsi, ²¹ti'ehualeyi laic', tima'ahualeyi, timeyoquila', ti'eyi nixpiya juicoł. Jahuay tołna'a y nixpiya xonca lixcay ti'eyi.

Joupa nu'ipolhuo' lo'iyacola' iłniya petsi tołta'a lo'epa. Itsiya cu'icona'molhuo', camilhuo': Petsi tołta'a lo'epa aimitsuflaiyacu pe locuxeyopa ŁanDios, ailopa'a quil'huexi jilpe.

²²Ituca' laipammaiya liłpepajnya iłne petsi naihuejcopá cal Espíritu Santo. Iłne: Ti'eyołtsi capic'a, tixoquei quileta tuyalaicoyi, cal Espíritu Santo ti'hua tipac'e'ela' liłpicuejma', tixnet'łme, tipalaic'oyi al c'a lił'as xanuc'.

Iłne naihuejcopá cal Espíritu Santo alinca lan c'a xanuc'. Tenant'iyi liłtaiqui' lonespa. ²³Iłne amanxú, aimi'nof'eyołtsi, ticuxeyołtsi al c'a.

Ja'ni tołta'a lonł'epa aimi'iya mecani'eyacolhuo' lataiqui' locuxepa Moisés. ²⁴Iłne pe li'ipola' iłhuexi Cristo, joupa iximpoltsi epałts'ingimpola' anuli Cristo. Tołta'a joupa imapa iłe lafane liłpicuejma', iłe ituca' latenłcocoya, lołjanajya. ²⁵Ja'ni cal Espíritu Santo joupa lapi'iponga' al ts'e lałpitine, itsiya ti'ila' al ts'e laluyalaicoyacu lałpepajnya. Lihuejcołe cal

Espíritu Santo. ²⁶Aimañsim'moñtsi, aimañnesco'moñtsi: Illanc' xonca ninc'ic'a xanuc'. Ja'ni añsinyoñtsi toñta'a ma le'a lapi'i'moñtsi coyac', a'le'moñtsi laic'.

6 Unc'aipimaye, ja'ni oñsimpá anuli lapima nixpiya lo'epa, imanc' petsi onlihuejcopá cal Espíritu Santo, toñpalaic'oñe, toñmuc'iconñe al c'a cane. Toñnanc'oñe. Toñpo'noñe cuenna anuli anuli. Aga tehuaiyim'molhuo' jouc'a. ²Maluyalaicoyi lapajnya tocomma añañyi acumta caitay. Camilhuo': Toñtoc'itsoñtsi. Toñtac'huetsoñtsi ñolitay. Toñta'a añinca tonñ'e'me locuxe'epolhuo' Cristo.

³Petsi nonescopoxi: “Iya' xonca limetsaicoña”, ja'ni iñque ninaitsi xans, ma le'a tifel'miyoxi. ⁴Anuli anuli timetsaicoxoxi te ts'i'ic' lo'epa. Toñta'a ti'i'ma tixoc'i'moxi queta quituca' li'epa. Ti'onñi'moxi quituca', aimi'onñicoyaxoxi locuenaye. ⁵Linca fa'a lapajnya anuli anuli tipa'a litaic'. Iñe quituca' titai'ma. Ocuena aimi'iya.

⁶Cua naitsi mimuxejma Lataiqui' titoc'ila' hipomxi. Ja'ni tipa'a al c'a li'hueca tepi'ila' jouc'a.

⁷Imanc' coltuca' aimoñfel'mi'moñtsi. Iñe lofapa cal xans, mañe tefot'ñe'ma. Aimi'iya malatets'iyacu ñanDios lixp'ic'epa. ⁸Petsi no'epá lojanajpa quita'ca' liñcuerpo, tefot'ñe'me, tulij'me ma le'a lamaya. Toñta'a tipammaispa al cuerpo. Petsi no'epá lojanajpa cal Espíritu Santo, iñe tefot'ñe'me, tulij'me liñpitine aimijouya.

⁹Aimañsojtonga'. Ti'hua a'ñe ma le'a al c'a. Ja'ni

aimañtafquemmonga', ticuaiyunni litine lixp'ic'epa ñanDios, lafot'ñe'me, lulij'me al c'a. ¹⁰Totiya iya' camilhuo': Itsiya tocomma to litine cafaya. A'ñe al c'a. Añtoc'itsola' jahuay lañ'as xanuc'. Xonca añtoc'itsola' lañpimaye no'huaiyijmpá Jesucristo.

¹¹Iñtoñsinñe laipinila' Linca atsila' iñña'a quiniñi iya' caituca'.

¹²Iya' aicahuay te co'iya metenñcocoyacola' lan xanuc'. Iñe petsi locuxenai'ipolhuo' toñ'etsoñtsi circuncidar, iñe iñpic'a tetenñcocotsola' lan xanuc'. Iñe noxc'ai'ipolhuo' toñta'a iñpic'a tuyalaicoñe al c'a, aimihuetsoquim'mola'. Ja'ni tuya'añe: “Ma le'a toñ'huaiyijnñe Jesucristo”, iñe iñsina' tixtuc'om'mola' liñ'as xanuc' judío. Toñta'a ti'ninc'iyi lataiqui', tuya'ayi: “Jouc'a tonñ'etsoñtsi circuncidar”.

¹³Ni iñe no'epoñtsi circuncidar aimihuejcoyi jahuay locuxepa Moisés. Iñe mane iñpic'a tinesle: “Iñtoñsinñe! Iñe joupa lihuejcoponga' illanc' lañcuxe'epola'. Joupa i'empola' circuncidar. I'empola' quitañña jilñe liñpixic'.” Toñta'a tixoc'i'moñtsi quileta. ¹⁴Iya' aimi'iya quixoc'iyacoxi totiya. Ma le'a tixoj'ma neta li'epa Cristo jilñe lancruz. Iña'a li'a ñamats' jouc'a jahuay lopa'a, caxina jouc'a epañts'ingimpá jilñe lancruz. Ma' anuli iya' lapañts'ingimpa, joupa añma'ayompa jilñe lancruz. Lopa'a li'a ñamats' ailopa'a cañ'e'eya, aicajanaca iliya.

¹⁵Linca, ja'ni joupa i'empolhuo' circuncidar o aiqui'ennilhuo' circuncidar, ñte co'iya? Xonca

ticuicomma tepi'intsolhuo' al ts'e
 cołpicuejma'. ¹⁶Pe naihuejcopá iłe
 lataiqui', tipac'e'etsola' liłpicuejma'
 ŁanDios, tixintsola' acuanuc'la.
 Ma iłne ti'onłcospola' to lun Israel.
 Iłniya al linca ixanuc' ŁanDios.

¹⁷Lipangopa itsiya
 aimalsueł'miconal'ma. Ma' iya',

a'i iłne locuenaye xanuc', jifa'a
 laicuerpo aitaic' łainepelot'la'. Iłna'a
 tuya'ayi ma Jesús aiPoujna, iłque
 lummepe.

¹⁸Cunc'aipimaye, titoc'itsolhuo'
 łalPoujna Jesucristo. Tołsingufle
 iłque lopaxnepolhuo' jilpe
 łolunxajma'. Tołta'a ti'ila'. Amén.